

僑居縣志卷

災異 變亂附

書災不書祥以祥恐開誇侈心而災則庶乎有懼焉此春秋法也乘亦一邑之春秋乎天之變一邑與天下無異故如石語如鷓退飛如蛇聞飛李冬實者僑亦未嘗無之使牧斯土者遇之而修厥德安知不轉為祥也特據傳聞之有徵者一一志之庶或眾著于天人感應之故云

唐

天寶元年李生葫

僑居縣志

卷二十九 災異

宋

慶曆五年大水

嘉 六年大水

政和二年大水壞城渰死者無數

乾道九年大旱無麥苗

淳熙二年大水

十三年正月雪深一丈民多凍死

嘉定八年春旱禾秧不入土八月始雨

紹定二年大水壞田地一萬七千三十四畝零

嘉熙四年饑

元

後至正十一年孟春朔西北有黑氣橫亘數十里

漸薄城經兩晝夜方滅

明

洪武三十五年六月蝗食竹木葉俱盡

永樂十四年大水

景泰二年四月梅花盛開

成化十一年蝗食苗

二十二年大旱

弘治元年四月大風雨發屋走石水溢

僑居縣志

卷二十九 災異

二

十一年大旱

十三年饑民食草根

十八年九月十三日子時地雪谷有塵

正德三年旱螟為災

十三年大水民多澹死

嘉靖五年旱斗米四百錢

二十四年春淫雨二麥無收夏旱秧不入土

斗粟三百錢飢民搶商米下獄

隆慶二年大水者九沒田穀飢死者多

三年蜃發水溢山崩禾盡沒

萬曆九年旱蝗食苗根節俱盡

十八年大旱推官王道顯請帑以賑

二十六年大旱令汪夢說請發倉賑之

三十二年十一月十一日戌時地震有聲

三十三年旱蝗荳粟亦盡

三十四年又旱畝止一二斗巡撫甘發粟賑

給

三十五年三十六年三十七年連旱井泉皆

枯

三十九年孟春至仲夏不雨六月秧始入土

儒居縣志

卷二十九

災異

三

崇禎五年莩李冬實

八年十一月二十六日地震屋皆動

十三年十四年連大旱飢民採草根樹皮以

食

國朝

順治三年大旱斗米七百錢餓死者枕藉于途

七年大水北城幾陷壞田廬無數民溺死者

衆

八年四月顯慶寺佛像出汗如大珠拭之不

止

十四年四月晝忽暝自十六都至廿二都霽如巨石屋瓦皆碎隱々中似有物憑烟火往來馳逐樹盡燬麥之墮于田者不得顆粒十七年大水七都下沈橫街地陷成潭深十丈奇又十都下溪地陷深三四丈十八年自五月至十月不雨禾無顆粒民食草根時令康明遠慘刻少恩復重迫以賦役比戶逃亡城中僅存十餘家

康熙三年大水

四年夏旱

儒居縣志

卷三九

災異

四

五年秋旱蝗

七年白虹見西方大風雨十餘日田廬幾沒十年秋蝗發禾之根節心葉盡爲所食禾盡食諸卉木葉知縣事鄭錄勲申請蠲租

十一年仲夏望鎮山廟前井中有火氣上騰狀若紫烟

十二年五月望後至十二月初旬不雨五穀並無一收以秋災情形知縣事鄭錄勲詳請題充蠲租

十三年二月朔雨黑色如墨

十八年旱蝗

變亂

古稱安不忘危姬公未雨之章可念也蔓而後圖則無及矣僭雖一丸坭實郡右腋而黃岩天台蓋唇齒焉一騷動郡與二邑輒隨之亦要害地云然則爲之奈何明鎮臣戚繼光曰僭面匕皆山望之若四塞者第徑路紛出觸處能通掩而襲之猶振落耳城池無險可憑險在僻輿轉爲寇資殆易取難守之區 國朝今章雲龍曰僭與東甌括蒼寶婺壤犬牙錯聯界之地最極紆隘離所屬郡縣殷遙政教恒莫之逮俗僭居縣志

卷二十九 變亂

五

不長厚所自來矣宐萑苻之不時發而禍患相尋也審是則欲彌僭之變徒于僭是索其不效也明甚夫知症方能霍疾鑿往乃可鏡來遐獲從稽聊據趙宋以迄今茲亂之巔委志之後之君子其覽諸而識所以瘳之匕方乎

宋

呂師囊十四都人家頗饒蓄異謀久嘗出其金以博惡少歡人有急稍爲排之名遂闕呼呂信陵人莫測其奸也宣和二年時睦州有方臘之亂囊陰結之適以輸稅入城渡下石井見水中影隱匕有

王者被服乃驚曰彼將輸稅我亡猶輸稅人耶遂煽惑鄉民爲亂甌婺亡命多應之衆至數萬餘鼓行而東白塔寨巡檢鄒進暨尉徐默成堵禦死之遂攻陷城焚縣治勢及郡總制姚平仲張思正帥師討平之赤其族

元

尹亞大處州人乘元末亂兵猖獗聚衆掠地至元十四年至僊居攻城陷之以治榜僊字像已亞大焚焉居頃之官軍殲之無遺

方國珍乘元末煽亂據台寧諸郡勢頗赫明太祖僊居縣志
變亂
六
師至敗之逸于仙之南鄉將軍湯和躡其踵遇闖于三十五都復敗之今其地名大戰國珍部殘兵逃之方岩結寨守焉溪上項氏十有八人送米皆授之官後自寧溪航海去

明

倭日本人嘉靖間入寇東南浙爲甚壬子由黃岩乘勢獮台郡太守宋治逐至馬踪嶺令馬濂以鄉兵會乃逸去越癸丑有由永嘉金溪登岸者則過濟嶺宿安仁板橋厚仁等處有由黃岩臨海索浦登岸者則過郡城宿白水埭王湖周懷仁顧等處

殺戮極慘至乙卯十一月馬令以權地曹行姚令
本崇代丙辰二月申請築城兩月間粗就頑石值
雨未成六月忽報倭由金溪登陸勢洶匕卽募鄉
兵嬰城守暗令司福應山鍾以倭離城去則擊以
懼倭匕至竟不入城聞鐘聲疑官軍追之乃舞刃
返守墾者皆股栗遂潰時值大雨倭避雨民乘雨
逃者得生稍遲者俱遭殺戮屯聚四十餘日烟火
燭天訓導趙士端被拘不屈遇害太守譚綸檄請
撫臣阮鶚調金衢處兵二萬以寧紹兵萬餘佐之
又以紹尉吳成喆足才智部寧紹兵由西門入倭

倭居縣志

卷二十九 變亂

七

東逸盡織之斷橋林黃橋等地時邑被焚燬最酷
滿城瓦礫僅留聖廟及張應二民居耳姚以失守
戍去

經包頭賊溫之永嘉人聚黨數百爲亂皆以紅巾
裹首故呼之崇禎十三年間寇安仁萬貳守部鄉
勇禦之逸去

包朝官縉雲人兄朝留朝章咸齊力越倫人格之
鮮不仆者崇禎末年哨聚亡命千餘結砦九龍山
時官民久不覩兵革錯愕莫知所爲束手股慄而
已村落懼遭荼毒競市牛酒餉之丐片紙爲照名

保命符朝官恐覘虛實遙設止口收繳饒物戒饒者勿入營有俞某者少與之善獨得入朝官嫚之俞怨望乃以其情形奔告施令于身施曰有是哉始與紳士張惺子應子坦書計破之獲朝留梟于演武場朝官朝章棄仗亡

國朝

董克慎永嘉之義坑人義坑僻在遠谷居民多獷性以竊盜爲生克慎尤極險詐乘明末聚黨爲亂順治四年將犯仙居總戎馮用平之

徐守平東陽人爲人眇小而有力能用雙刀超距

僑居縣志

卷二十九

變亂

八

如飛少充營伍已而棄去僑居仙居河埠業帽順治戊子會燠縣人尹粲自稱都元帥聚黨爲亂守平與同邑金元采永康周以暘宗和尚往謁之各授以僞總兵劄遂糾合無賴數萬于五月朔自西鄉發難用白纏頭爲號鼓行而東適郡兵至遇于管山頭生擒僞先鋒吳應上衆悉奔潰頃之守平收集遺孽結砦八寶山元采踞九都裡林宗和尚踞九龍山以暘踞六都坑依險爲固禦突無常鄉遭燒劫城門晝閉路絕行人迄順治九年總戎馮用會七府兵進勦郡推李士弘招之始解散飲至

于演武塲論功以尙志君爲最又有溫人何姓者
自稱太師部將渾號蕭鏖頭勇而譎順治八九年
間頻犯仙居西南鄉防將趙德援將鞏如磐權遷
陳起龍禦之接戰于十三都石明陽敗績僅以身
免後檄請金夔官軍合征之乃潛逸順治十三年
歲大荒婺逆何德成率飢人萬餘入西鄉爲亂郡
帥發驍騎大破之十都五大頭

周欽貴東陽人守平黨也先是守平勢熾欽貴與
同邑陳汝安倪良許皆隸之迄守平圍攻嵎縣不
克爲官軍所戮欽貴部其遺黨結砦于羅城巖當

僊居縣志

卷二十九

變亂

九

守平時邑西南特羅茶毒東南暨附城尚偏安至
欽貴而焚劫殺戮較酷無尺壤寧矣羅城巖極其
險隘仰攻維艱賊衆又頗強勁官軍攻之屢北欽
貴死汝安繼之益猖獗郡將尙志君攻之全軍覆
于總吳昆陣亡志君僞其服得脫汝安死良許繼
之郡帥劉道揚檄同八府兵困之糧絕逸去

王廷棟臨海人渾名王大肚少航海爲盜順治十
三年自黃巖寧溪登陸入寇僊居上王已而有厚
仁吳姓二人迎之結砦景星巖勢赫甚知縣章雲
龍檄請杭標周副將孫都司攻之爲其所襲死焉

郡帥李必會十一府兵困之兩載始克廷棟仍潛逸於海

李雲字石先晉雲諸生常試有司勿得志恚甚曰丈夫取功名寧必僅毛錐爲哉遂日與惡少遊習騎射康熙十三年春入閩變作僞總兵徐尚朝攻陷處州直踞濟道山圍金華李雲馳見之領僞都司劄先是有投誠海逆安插蒼嶺之南田皆鷹眼未化之人也比聞尙朝勢熾心復動遂扇惑邑民潘鼎甫蔣汝飛東陽厲進卿等往導之李乃丐徐以逆書投縣將假道以圖台糾合婺括無賴數千

于六月二十八日昧爽犯縣呼援未至知縣鄭錄勦率士民嬰陣守平明城幾潰會郡將汪國祥陳景節兵至內外夾擊李雲就擒斬獲幾盡潘蔣等潛逸仍巢于險峻甌閩人之煮鐵一都者應之號鐵山營肆出劫掠復漸薄城知縣鄭錄勦又請調發京口副將李良臣協禦躬先引導窮搜撲勦賊焰稍戢至十月十四日僞曾都統圍攻郡城告急周都統以僊令嫺軍政撤守郡城百姓號泣留之不能得城空無人僞總兵朱福連必忠入據之僞副將林衝陳世忠陳起龍陳起萬陳文茂散駐四

鄉搶擄殺奪索餉打糧無所不至而世忠文茂尤
極慘酷四鄉刻難立足十一月偽總兵蔡玉奇
御衆稍謹與偽令張光恩力與諸賊黨之殃民者
衛士女在湯火之中計無復之如饑食渴飲盡趨
于城依之莫緩須臾之死十四年二月初一日我
師克復賴知縣鄭錄勲泣求不盡屠戮然滿漢雲
集無辜而橫罹鋒鏑不知凡幾子女罄爲繫累蓋
有僊來未嘗有之慘云僊城雖復賊氛仍營南岸
攻郡鄭知縣密陳方畧固山貝子王可其議發大
兵間道進勦鄭爲導由廟寮山徑行達寧溪抄出
茅坪之背僞曾都統恐襲取溫州與僞將軍祖弘
勲等宵遁